

**Broj: 06-03-600-04/40/18**  
**Mostar, 17.07.2018. godine**

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 17. i člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za izmjenu i dopunu dozvole za rad (licence) broj 06-03-600/40/18 od 18.06.2018. godine podnosioca zahtjeva „DELTA PETROL“ Kakanj, d.o.o., ul. Alije Izetbegovića bb Lamela P+4+M, Kakanj, u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1099/174/16, Regulatorna komisija za energiju u Federaciji Bosne i Hercegovine – FERK je 17.07.2018. godine na XIII redovnoj sjednici donijela sljedeće

### RJEŠENJE

1. Dozvola za rad (licenca) za transport naftnih derivata drumskim saobraćajem broj 06-03-1099/174/16 izdata Rješenjem broj 06-03-1099-03/174/16 od 16.12.2016. godine, te izmijenjena i dopunjena Rješenjem broj 06-03-504-01/27/17 od 19.05.2017. godine i Rješenjem broj 06-03-914-02/64/17 od 14.12.2017. godine, imaoce dozvole „DELTA PETROL“ Kakanj, d.o.o. mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 15.12.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Imalac dozvole je obavezan platiti regulatornu naknadu za 2019. godinu u iznosu od 43,84 KM.
5. Imalac dozvole je obavezan platiti regulatornu naknadu za 2020. godinu u iznosu od 1.000,00 KM.
6. Imalac dozvole je obavezan platiti regulatornu naknadu za 2021. godinu u iznosu od 956,16 KM.
7. Imalac dozvole je obavezan regulatorne naknade iz tački 4., 5. i 6. ovog rješenja platiti do 31.01. tekuće godine.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

## Образложење

Dana 18.06.2018. godine FERK je pod brojem 06-03-600/40/18 od podnosioca „DELTA PETROL“ Kakanj, d.o.o. primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1099/174/16, radi dopune novom transportnom jedinicom.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 22. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 26.06.2018. godine uputio Obavještenje o nedostacima podnesenog Zahtjeva za izmjenu i dopunu dozvole za rad (licence) za transport naftnih derivata drumskim saobraćajem pod brojem 06-03-600-01/40/18 i odredio mu rok od osam dana radi otklanjanja uočenih nedostataka navedenih u obavještenju. Postupajući po obavještenju, podnosilac zahtjeva je dostavio dopise primljene u FERK 27.06.2018. godine pod brojem 06-03-600-02/40/18 i 05.07.2018. godine pod brojem 06-03-600-03/40/18, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun.

Obzirom na to da su uz zahtjev za izmjenu i dopunu dozvole za rad (licence) navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 21. Zakona o naftnim derivatima u Federaciji Bosne i Hercegovine odnosno iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je utvrdio da su ispunjeni uslovi za primjenu odredbe člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Dalje, članom 10. Pravilnika o metodologiji i načinu obračuna regulatornih naknada za imaoce dozvola propisana je dinamika obračuna regulatorne naknade za imaoce dozvola iz sektora naftne privrede, dok je članom 11. istog pravilnika regulatorna naknada za imaoce dozvole za rad (licence) za transport naftnih derivata drumskim saobraćajem propisana u fiksnom iznosu na godišnjoj razini od 1.000,00 KM, s tim da se taj fiksni iznos u prvoj i zadnjoj godini važenja dozvole preračunava u skladu sa periodom važenja dozvole u toj godini. Članom 12. ovog pravilnika propisano je da će FERK o obavezi iz člana 11. Pravilnika svakom imaoцу dozvole iz sektora naftne privrede izdati pojedinačno rješenje.

Kako je imalac dozvole postupajući po Rješenju broj 06-03-914-02/64/17 od 14.12.2017. godine već izvršio plaćanje regulatorne naknade za treću godinu važenja izdate dozvole za rad (licence), bilo je potrebno izvršiti preračunavanje iznosa regulatorne naknade za 2019. godinu, budući da se u skladu sa Pravilnikom o metodologiji i načinu obračuna regulatornih naknada za imaoce dozvola, od 01.07.2018. godine plaćanje regulatorne naknade vrši jednom godišnje za tekuću godinu.

Na osnovu obrade Zahtjeva za izmjenu i dopunu dozvole za rad (licence) broj 06-03-600/40/18 od 18.06.2018. godine podnosioca „DELTA PETROL“ Kakanj, d.o.o. i dokumentacije priložene uz zahtjev, izvršena je izmjena i dopuna Dozvole za rad (licence)

za transport naftnih derivata drumskim saobraćajem 06-03-1099/174/16, radi dopune novom transportnom jedinicom. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, s tim da je period važenja dozvole za rad (licence) ostao nepromijenjen. Postavljeni uslovi uvažavaju potrebu, ali i obavezu „DELTA PETROL“ Kakanj, d.o.o. da u rokovima propisanim u uslovima dozvole za rad (licence) za transport naftnih derivata drumskim saobraćajem iste ispuni, u cilju zadovoljavanja propisanih kriterijuma.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Jasmin Bešo**

Dostaviti:

- „DELTA PETROL“ Kakanj, d.o.o.
- Federalnom ministarstvu energije, rudarstva i industrije
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru za finansije
- Sektoru zajedničkih poslova
- oglasna tabla
- a/a